



Rabu, 21 Agustus 2024
Ogen : Kej 11:29; 24:10,24



I Mesopotamia Nari



Ertutur ilakoken guna ngidah ndauh deherna perkade-kaden. Bas kalak Karo ertutur enda enggo semal ilakoken, erkiteken arah ertutur me idatken ganjang teruhna perkade-kaden. Bas ertutur enda sekalak la terjeng mpetandaken dirina, tapi seh pe ku bapa/nande bage pe bulang/ nini rikut ras nini bulang. Guna si e mekatep orang tua mpetandaken anakna kerna ise ia, ise orang tua ras ise ka nini bulangna. I ja ndube kecibal entah kuta kemulihen ras sidebanna. Tujunna segelah i ja pe pagi ia erlajang, kune jumpa ras kalak karo sideban banci ertutur janah idatkenna me orat tuturna.

Ribka sekalak singuda-nguda, tupung jumpa ras sekalak si langa i tandaina, ertutur me ia alu mpetandaken dirina. Bapana Betuil, nini bulangna Nahor ras Milka. Ia asalna i Mesopotamia, janah tading pe i Mesopotamia. Arah penurikenna e me erbahanca temanna ercakup e meteh kerna ise ia si tuhuna? Ia erkade-kade ras Abraham erkelangken nini bulangna Nahor. Nahor ersenina ras Abraham. E maka enggo cocok, akap Elieser suruh-suruhan Abraham, sabap kai sinisuruh tuanna ndube guna njumpai keluargana i Mesopotamia enggo tersehi.

Moria selaku nande si ikut ngelestariken budayanta, tek kita maka Ribka banci nuriken kecibalna la terlepas i bas pengajaren orang tua (nande). Iuri me kerna trombo kegeluhen, janah i turiken, iajarken man anak seh maka alu tangkas anak banci nuriken ise ia, janah ja nari ia. Ula min sempat anak-anakta e lanai erpengangka kerna trombo kegeluhenna, piah dungna oratna ndai ndeher nge tutur e tapi jadi ndauh erkiteken la si betehen sada ras sidebanna.

Tandailah ja nari kita maka reh mesunahna jumpa ras kade-kade

